

## AKTUELNO

Sabor Islamske zajednice Srbije smijenio Zukorlića

# Bošnjaci dobili svog reisa

**Pripadnici manjina imaju pravo da budu zastupljeni u svim institucijama, pa i u Ustavnom sudu. Došlo vrijeme da se pošalje pozitivna poruka manjinama**

Na sjednici Sabora, održanoj u Novom Pazaru, 3. oktobra 2007. godine, za reis-ul-ulemu Islamske zajednice Srbije izabran je Adem ef. Zilkić, a za novog predsjednika Mešihata Islamske zajednice Sandžaka Hasib ef. Suljović.

Na Skupštini, kojoj su prisustvovali članovi Sabora medžlisa i imami iz Novog Pazara, Tutina, Sjenice, Prijepolja i Nove Varoši, sa svih funkcija smijenjen je doskorašnji glavni muftija Islamske zajednice u Srbiji Muamer ef. Zukorlić, kome su članovi Sabora Islamske zajednice Srbije, imami i drugi vjerski službenici uputili poziv da se povuče sa svih funkcija, a u interesu uspostavljanja stabilnosti i jedinstva u Islamskoj zajednici Srbije i njenog funkcionisanja u skladu sa propisima.

Nezadovoljan odlukom Sabora, bivši muftija Zukorlić odbio je sve njegove odluke, optužujući učesnike Skupštine za izdaju i raskidanje veza sa Bosnom i Hercegovinom, da bi narednih nekoliko dana njegovi najbliži saradnici, predvođeni Rešadom Plojovićem, nasilno pokušali preuzeti upravljanje glavnim džamijama u Prijepolju i Sjenici, čemu su se odlučno usprotivili tamošnje džematlije i vjernici.

Nekoliko dana nakon izbora, 11. oktobra 2007. godine, dosadašnji vršilac dužnosti reis-ul-uleme Hamdija ef. Jusufspahić u beogradskoj Bajrakli džamiji predao je menšuru reisu Zilkiću, na osnovu koje je reis Zilkić i formalno preuzeo upravljanje Islamskom zajednicom Srbije.

Nakon ceremonije zvaničnog

proglašenja u Beogradu, reis Zilkić stigao je u Novi Pazar, gdje se, na glavnom gradskom trgu, obratio vjernicima dan uoči velikog muslimanskog praznika Bajrama.

Obraćajući se prisutnima, reis Zilkić je tom prilikom pomirljivim tonom poručio da su svi muslimani braća, pozivajući sve na očuvanje mira i premošćavanje razlika, a što je u interesu svih građana na ovom području.

uvrjedljive riječi, zviždeći čak i prilikom učenja Kur'ana.

Narednih dana na beogradskim medijima bivši muftija Muamer Zukorlić je pokušao optužiti reisa Zilkića i predsjednika Bošnjačkog nacionalnog vijeća i gradonačelnika Novog Pazara Dr. Sulejmana Ugljanina na navodno "saradništvo sa UDB-om", ustrajući u svojim nastojanjima da zadrži upravljanje nad Mešihatom Islamske zajednice Sandžaka.



**Reis-ul-ulema Islamske zajednice Srbije Adem ef. Zilkić obraća se vjernicima i građanima Novog Pazara i Sandžaka na njegovom dočeku po prijemu menšure, na glavnom gradskom trgu u Novom Pazaru**

Tokom trajanja programa, na gradskom trgu u Novom Pazaru, Zukorlićeve pristalice na drugoj strani uzvikivali su

Zukorlićeve pristalice su, narednih dana, bez potrebnih dozvola i saglasnosti nadležnih organa i službi, Republičkog i

## Menšura

Dokument kojim se potvrđuje da je određeno lice legalno imenovani, odnosno izabrani reis-ul-ulema i da je kao takav ovlašćen, da u smislu šerijatskog prava daje slična ovlašćenja podređenim vjerskim službenicima naziva se menšura. Ovaj naziv je u bošnjačku islamsku administraciju došao putem osmanlijskih institucija, a Osmanlije su ga, opet, uzele od prethodnih muslimanskih država.

Regionalnog zavoda za zaštitu spomenika kulture, rasturili unutrašnjost glavne novopazarske "Altun Alem" džamije, sprječavajući sandžačkog muftiju Hasiba ef. Suljovića i vjernike u obavljanju vjerskih obaveza i dužnosti, što je izazvalo ogorčenje i negodovanje svih dobronamjernih građana u Novom Pazaru i šire. Od tog 6. novembra muftija Suljović je sa džematlijama namaze obavljao na ulici u blizini svoje džamije.

Brutalni upad u Altun Alem džamiju Zukorličevih pristalica i vršenje neovlašćenih iskopa unutar same džamije najoštrije je osudilo Bošnjačko nacionalno vijeće, ističući da je time dovedeno u pitanje očuvanje ovog kulturnog dobra od posebnog značaja za sandžačke Bošnjake. Ono je od nadležnih državnih organa zatražilo preduzimanje svih zakonom predviđenih mjera u cilju zaštite "Altun Alem" džamije, pozivajući se da su članom 32. Zakona o kulturnim dobrima izričito zabranjeni bilo kakvi radovi na kulturnom dobru bez utvrđenih uslova i saglasnosti državnih organa.

Kulminacija zbivanja desila se 16. novembra 2007. godine, kada su naoružane Zukorličeve pristalice, okupljenje u "Altun Alem" džamiji, onemogućile obavljanje džume namaza muftiji Suljoviću i mnogobrojnim džematlijama, kojom prilikom je iz unutrašnjosti džamije iz vatrenog oružja pogođen jedan građanin, a od kamenica jedan građanin i dva policajca. Do veće eskalacije sukoba, na svu sreću, nije došlo.

Reagujući na novonastalo stanje, bošnjački poslanici u Skupštini Republike Srbije i funkcioneri Bošnjačkog nacionalnog vijeća Esad Džudžević i Bajram Omeragić izrazili su zabrinutost, pozivajući građane, vjernike i vjerske službenike u Novom Pazaru da se hitno sastanu i započnu dijalog o svim spornim pitanjima u vezi sa or-

ganizacijom i funkcionisanjem jedinstvene Islamske vjerske zajednice, kao i da svojim djelovanjem i izjavama spriječe dalje sukobe.

"Pozivamo državne organe da svojim konstruktivnim pristupom doprinesu uspostavljanju tog dijaloga i na taj način daju podršku stabilizaciji ukupnih odnosa u Islamskoj vjerskoj zajednici i uopšte prilika u Sandžaku", navodi se u saop-

štenju poslanika Džudževića i Omeragića.

Incident ispred džamije u Novom Pazaru osudio je i generalni sekretar Koalicije Liste za Sandžak Nermin Bejtović, apelujući na nadležne organe da preduzmu mjere da se ta džamija vrati vjernicima i građanima na korišćenje i pozivajući vjernike Novog Pazara na mir i strpljenje.

M. Fijuljanin

## Osuda izbacivanja "nepodobnih" učenika iz škole Medresa da preinači odluku u interesu učenika

Sandžački odbor za zaštitu ljudskih prava i sloboda, Sandžački intelektualni krug (SIK) i Kulturni centar DamaD osudili su Medresu "Gaz Isa-beg" iz Novog Pazara i njihovu odluku o isključenju iz nastave učenika ove škole čiji su roditelji podržali novoizabranog reis-ul-ulemu Islamske zajednice Srbije Adema ef. Zilkića.

Sandžački odbor za zaštitu ljudskih prava i sloboda, Sandžački intelektualni krug i Kulturni centar DamaD ocjenjuju da je neprihvatljivo obrazloženje uprave Medrese "da su učenici isključeni zbog njihove nesigurnosti", odnosno da bi bili ugroženi od strane većine učenika koji su na strani druge opcije.

"Ako je i postojala opasnost po bezbjednost ovih učenika, škola je bila dužna da preduzme sve zakonom predviđene mjere kako bi se garantovali uslovi za nesmetano korišćenje osnovnih dječijih prava: pravo na bezbjedan život i pravo na obrazovanje", kaže se u saopštenju za javnost ove tri nevladine organizacije.

"Škole su u obavezi da imaju uspostavljene i razvijene mehanizme za zaštitu osnovnih prava djeteta i ta obaveza se odnosi i na medrese. U ime Deklaracije o pravima djeteta UN, koja se bazira na načelu "najboljeg interesa djeteta", i povodom 20. novembra, Svjetskog Dana djeteta, apelujemo na Medresu "Gazi Isa-beg" iz Novog Pazara da preispita svoju prethodnu odluku i najhitnije je preinači u interesu učenika.

"Sandžački odbor za zaštitu ljudskih prava i sloboda, Sandžački intelektualni krug i Kulturni centar DamaD već duže vrijeme upozoravaju da podjele među građanima i vjernicima bošnjačke nacionalnosti prijetu da izazovu sukobe nesagledivih posljedica", stoji dalje u saopštenju koje su potpisale ove tri nevladine organizacije.

"Osudjujući sve postupke, sa obje strane, koji mogu da izazovu dalje konfrontacije, još jednom apelujemo na odgovorne činioce u državnim organima, vjerskim zajednicama i političkim strankama, da sa svoje strane učine svaki potreban napor koji će doprinijeti da se stišaju strasti i prevaziđu netrpeljivosti", poručuju u svom obraćanju javnosti Sandžački odbor za zaštitu ljudskih prava i sloboda, Sandžački intelektualni krug i Kulturni centar DamaD, uz napomenu da je neophodno "preduzimanje sasvim određenih koraka u pravcu otvaranja dijaloga kao sigurnog sredstva za prevazilaženje postojećeg stanja".